

**BOSNA I HERCEGOVINA**  
**FEDERACIJA BOSNE I HERCEGOVINE**  
**UNSKO-SANSKI KANTON**  
**GRAD BIHAĆ**  
**GRADONAČELNIK**

Broj: \_\_\_\_\_/21  
Bihać, 28.01.2021. godine

Na osnovu člana 52. Statuta Grada Bihaća („Službeni glasnik Grada Bihaća“ broj 13/15 i 13/18) i člana 183. stav 2. Poslovnika Gradskog vijeća Bihać („Službeni glasnik Grada Bihaća“ broj 3/16), Gradonačelnik u svojstvu predlagača propisa i drugih akata

**ODREĐUJE**

Izjestioca Nijaza Lipovaču, Pomoćnika gradonačelnika za lokalno ekonomski razvoj, na sjednici Gradskog vijeća i radnim tijelima po prijedlogu tačke dnevnog reda:

Prijedlog Odluke o usklađivanju Odluke o osnivanju Turističke zajednice Grada Bihaća sa zakonom

Gradonačelnik  
Šuhret Fazlić

*BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
GRAD BIHAĆ  
GRADONAČELNIK  
SLUŽBA ZA LOKALNO EKONOMSKI RAZVOJ*

**Broj: \_\_\_\_\_/21  
Bihać, 28.01.2021.godine**

**GRADSKO VIJEĆE BIHAĆ  
- o v d j e -**

**PREDMET: Prijedlog Odluke o usklađivanju Odluke o osnivanju Turističke zajednice Grada Bihaća sa zakonom, dostavlja se**

Na osnovu člana 52. Statuta Grada Bihaća („Službeni glasnik Grada Bihaća“ broj 13/15 i 13/18) i člana 183. stav (2) Poslovnika Gradskog vijeća Bihać („Službeni glasnik Grada Bihaća“ broj 3/16), Gradonačelnik Gradskom vijeću dostavlja na razmatranje radi donošenja

**Prijedlog Odluke o usklađivanju Odluke o osnivanju Turističke zajednice Grada Bihaća sa zakonom**

### **O b r a z l o ž e n j e**

Pravni osnov za donošenje:

Pravni osnov za donošenje Odluke o usklađivanju Odluke o osnivanju Turističke zajednice Grada Bihaća, sadržan je u:

- članu 54. stav (1) Zakona o turizmu („Službeni glasnik Unsko- sanskog kantona “broj 25/20), kojim je propisano da Turističku zajednicu općine/grada osniva općinsko/gradsko vijeće.

- članu 35. tačka cc) Statuta Grada Bihaća (“Službeni glasnik Grada Bihaća” broj 13/15 i 13/18) kojim je propisano da Gradsko vijeće u okviru samoupravnog djelokruga između ostalog, osniva javna preduzeća i javne ustanove i druga pravna lica za obavljanje

komunalnih, društvenih, privrednih i drugih djelatnosti od interesa za Grad, te odlučuje o njihovim statusnim promjenama i prestanku rada u skladu sa zakonom.

Razlozi donošenja:

Razlozi zbog kojih se pristupilo izmjenama i dopunama Odluke o osnivanju Turističke zajednice Grada Bihaća ("Službeni glasnik Grada Bihaća" broj 15/17) je usklađivanje sa novim Zakonom o turizmu ("Službeni glasnik Unsko-sanskog kantona" broj 25/20) u pogledu

a/ djelatnosti Turističke zajednice

b/ organa Turističke zajednice

c/ nadzora nad radom Turističke zajednice

Suštinske izmjene i dopune, radi usklađivanja sa zakonom ugrađene su u:

- član 3. prijedloga Odluke kojim se shodno članu 53. Zakona o turizmu propisuju djelatnosti i zadaci Turističke zajednice općine/grada.
- član 4. prijedloga Odluke kojim se shodno članu 58. Zakona o turizmu propisuju Organi upravljanja Turističke zajednice općine/grada. Novim Zakonom o turizmu jedan od novih organa upravljanja je i Vijeće turističke zajednice, koje imenuje i razrješava načelnik/gradonačelnik na prijedlog općinske/gradske službe nadležne za oblast turizma.

Članove Nadzornog odbora imenuje i razrješava općinsko/gradsko vijeće na prijedlog gradonačelnika u skladu sa Zakonom o ministarskim, vladinim i drugim imenovanjima u Federaciji BiH, dok je ranijim Zakonom o turizmu bilo propisano da članove Nadzornog odbora imenuje i razrješava Gradonačelnik uz saglasnost Gradskog vijeća.

Direktora Turističke zajednice općine/grada imenuje i razrješava općinsko/gradsko vijeće na prijedlog Nadzornog odbora, u skladu sa Zakonom o ministarskim, vladinim i drugim imenovanjima u Federaciji BiH, dok je ranijim Zakonom o turizmu Unsko-sanskog kantona bilo propisano da direktora Turističke zajednice imenuje i razrješava Gradonačelnik, na prijedlog Nadzornog odbora, po postupku propisanom Odlukom o osnivanju i Statutom Turističke zajednice.

- Član 6. prijedloga Odluke kojim je shodno članu 59. Zakona o turizmu definisano koliko članova broji Vijeće Turističke zajednice, ko se imenuje kao i nadležnosti Vijeća Turističke zajednice.
- Član 7. prijedloga Odluke kojim je shodno članu 60. Zakona o turizmu propisano između ostalog, da se u Nadzorni odbor obavezno imenuje jedan predstavnik općine /grada a ostali iz reda naučnih i stručnih lica, kao i da članovi Nadzornog odbora moraju imati najmanje tri godine radnog iskustva nakon sticanja VSS.

U ranijem Zakonu o turizmu Unsko-sanskog kantona bilo je propisano da se u Nadzorni odbor obavezno imenuje jedan predstavnik iz reda osnivača, kao i da

članovi Nadzornog odbora moraju imati najmanje pet godina radnog iskustva u struci nakon sticanja VSS.

- Član 8. prijedloga Odluke kojim su shodno članu 60. Zakona o turizmu propisane između ostalog, nadležnosti Nadzornog odbora. Novim Zakonom o turizmu propisano je da Nadzorni odbor podnosi Osnivaču najmanje jedanput godišnje izvještaj o poslovanju Turističke zajednice, a godišnji program rada sa financijskim planom i godišnji izvještaj o poslovanju usvaja Gradsko vijeće.
- Član 9. prijedloga Odluke kojim je shodno članu 58. Zakona o turizmu propisano da direktora Turističke zajednice općine /grada imenuje i razrješava općinsko/gradsko vijeće, na prijedlog Nadzornog odbora u skladu sa Zakonom o ministarskim, vladinim i drugim imenovanjima u Federaciji BiH, dok je ranijim Zakonom o turizmu bilo propisano da direktora Turističke zajednice imenuje Gradonačelnik na prijedlog Nadzornog odbora.

Pored toga izmjenjeni su i uslovi koje mora ispunjavati direktor kada je u pitanju stručna sprema, jer je u osnivačkom aktu navedeno da direktor Turističke zajednice mora da posjeduje VSS-VII stepen stručne spreme ili drugi ili treći ciklus Bolonjskog sistema obrazovanja, ekonomski ili fakultet turizma (smjerovi: upravljanje, marketing ili turistički) te sedam godina radnog iskustva od čega najmanje pet godina na rukovodećim poslovima nakon sticanja stručne spreme, a članom 61. Zakona o turizmu propisano je da direktor Turističke zajednice općine/grada mora da posjeduje VSS-VII stepen stručne spreme ili drugi ili treći ciklus Bolonjskog sistema obrazovanja, najmanje tri godine radnog iskustva nakon sticanja VSS.

- Član 10. prijedloga Odluke kojim je shodno članu 62. Zakona o turizmu propisano da nadzor nad radom organa upravljanja i rukovođenja Turističke zajednice općine/grada obavlja osnivač putem službe nadležne za oblast turizma općine/grada i Kantonalna uprava za inspekcijske poslove, dok je u ranijem Zakonu o turizmu Unsko-sanskog kantona bilo propisano da nadzor nad radom organa upravljanja i rukovođenja Turističke zajednice obavlja općinski načelnik/gradonačelnik putem službe nadležne za oblast turizma općine/grada i Kantonalne uprave za inspekcijske poslove.

Na kraju, u ostalim odredbama sadržanim u prijedlogu Odluke radi se o usklađivanju sa zakonom terminološke prirode.

Potrebna finansijska sredstva

Za provođenje ove Odluke nije potrebno obezbjediti finansijska sredstva iz Budžeta Grada Bihaća.

Prijedlog:

Cijeneći gore izloženo, predlažemo Gradskom vijeću da nakon razmatranja donese Odluku o usklađivanju Odluke o osnivanju Turističke zajednica Grada Bihaća sa zakonom, kao u predloženom tekstu.

Prilog:

1. Prijedlog Odluke o usklađivanju Odluke o osnivanju Turističke zajednica Grada Bihaća sa zakonom
2. Odluka o osnivanju Turističke zajednica Grada Bihaća (“Službeni glasnik Grada Bihaća” broj 15/17)
3. Zakon o turizmu (“Službeni glasnik Unsko-sanskog kantona” broj 25/20)

Gradonačelnik  
Šuhret Fazlić

Na osnovu člana 54.stav (1) Zakona o turizmu („Službeni glasnik Unsko-sanskog kantona“ broj 25/20), a u vezi sa članom 35. tačka cc) Statuta Grada Bihaća („Službeni glasnik Grada Bihaća“ broj 13/15 i 13/18), Gradsko vijeće Bihać na \_\_\_ sjednici održanoj dana \_\_\_\_\_2021. godine, d o n o s i

Odluku o usklađivanju Odluke o osnivanju  
Turističke zajednice Grada Bihaća  
sa zakonom

Član 1.  
(Predmet Odluke)

Ovom Odlukom Gradsko vijeće Bihać (u daljem tekstu: osnivač) usklađuje Odluku o osnivanju Turističke zajednice Grada Bihaća („Službeni glasnik Grada Bihaća“ broj 15/17) sa Zakonom o turizmu („Službeni glasnik Unsko-sanskog kantona“ broj 25/20).

Član 2.

U članu 4. iza riječi „ugostiteljske“ dodaju se riječi: „i druge turističke usluge“.

Član 3.

U članu 6. stav (2) mijenja se i glasi :

„ (2) Turistička zajednica:

- a) objedinjava i promovira turističku ponudu grada,
- b) učestvuje u izradi sektorske Strategije turizma i/ili Strategije razvoja kantona ukoliko je u istoj planski tretiran turizam, kao posebna privredna djelatnost,
- c) poduzima mjere i aktivnosti na kreiranju i razvoju turističkog proizvoda i turističkog imidža grada, kao i radnje na formiranju i prepoznatljivosti brenda (engl.brand) turističkog proizvoda destinacije grada,
- d) radi na pripremi, kandidiranju i implementaciji događaja i projekata u oblasti razvoja i promocije turizma koji su od značaja za grad,
- e) radi na razvoju gostoprimstva, očuvanju prirodnih i kulturnih vrijednosti i unapređenju ekološke zaštite prostora na području grada,
- f) upravlja turističkom infrastrukturom jedinice lokalne samouprave ili turističkog mjesta i/ili prirodnim dobrima i drugim turističkim resursima koja su im data na upravljanje odlukom osnivača,
- g) promovira primjenu jedinstvenog sistema za prijavu i odjavu turista od strane svih pružaoca usluga smještaja u Kantonu,
- h) prati stanje na turističkom tržištu, prikuplja i obrađuje podatke u cilju pozicioniranja turističkog proizvoda na turističkom tržištu,

- i) surađuje sa turističkim zajednicama u Bosni i Hercegovini, u zemljama u okruženju, Evropi i svijetu,
- j) surađuje sa putničkim agencijama, JP Nacionalni park „Una“ d.o.o.Bihać i ostalim nacionalnim parkovima u zemlji i okruženju, vezano za turističke posjete i obilazak zaštićenih područja,
- k) surađuje u aktivnostima i poslovima vezanim za standardizaciju, kategorizaciju i klasifikaciju turističkog proizvoda, usluga i objekata sa nadležnim ministarstvima,
- l) učestvuje u javnoj raspravi prilikom izrade Plana promocije turizma Kantona,
- m) sačinjava detaljan narativni i finansijski izvještaj sa podacima o izvršavanju programa rada po pojedinačno utvrđenim zadacima, utrošenim finansijskim sredstvima za njihovu realizaciju, s posebnim podacima o stečenim prihodima, načinu i svrsi trošenja sredstava javnih prihoda, te ostvarenje ukupnih prihoda i finansijskom rezultatu poslovanja,
- n) obavlja i druge poslove od javnog interesa koji su u funkciji razvoja turizma i koji nisu u suprotnosti sa ovim zakonom i drugim propisima“.

U članu 6. stav (3) dodaje se nova tačka a) koja glasi:

„ a) upravlja dobrima i resursima koji su joj dati na upravljanje odlukom osnivača u skladu sa posebnim propisima (izletišta, lovišta, parkovi, plaže, jezera, rijeke, prirodno i kulturno-historijsko nasljeđe)“.

Dosadašnja tačka a) postaje tačka b) i dalje se pomjera redoslijed tačaka.

U stavu (3) istog člana u tački d) riječi „ i Zakonom o turizmu Unsko-sanskog kantona („Službeni glasnik Unsko-sanskog kantona“ broj 8/17)“ mijenjaju se riječima „i Zakonom o turizmu („Službeni glasnik Unsko-sanskog kantona“ broj 25/20)“.

#### Član 4.

U članu 7. stav (1) mijenja se i glasi:

“ (1) Organi Turističke zajednice su: Vijeće turističke zajednice ,Nadzorni odbor i direktor“.

Iza stava (1) ovog člana dodaje se novi stav (2) koji glasi :

„ (2) Članove Vijeća Turističke zajednice imenuje i razrješava gradonačelnik na prijedlog gradske službe nadležne za oblast turizma“.

Stav (2) ovog člana postaje stav (3) i glasi :

„ (3) Članove Nadzornog odbora imenuje i razrješava Gradsko vijeće na prijedlog gradonačelnika u skladu sa Zakonom o ministarskim, vladinim i drugim imenovanjima u Federaciji Bosne i Hercegovine“.

Stav (3) ovog člana postaje stav (4) i glasi:

“ (4) Direktora Turističke zajednice grada imenuje i razrješava Gradsko vijeće na prijedlog Nadzornog odbora, u skladu sa Zakonom o ministarskim, vladinim i drugim imenovanjima u Federaciji Bosne i Hercegovine“.

Stav (4) ovog člana postaje stav (5) i glasi :

„ (5) Pri imenovanju osoba u organima iz stava (2) i (3) ovog člana vodiće se računa o ravnopravnoj zastupljenosti oba spola“.

#### Član 5.

U članu 8. stav (2) mijenja se i glasi:

„ (2) U slučaju prestanka mandata člana organa prije isteka vremena na koje je biran, novi član bira se na vrijeme do isteka mandata na koji je izabran prethodnik“.

#### Član 6.

Iza člana 8. dodaje se novi član 8a koji glasi:

„ (Vijeće Turističke zajednice grada)

(1) Vijeće Turističke zajednice Grada ima 5 članova.

(2) U vijeće Turističke zajednice Grada obavezno se imenuje 1 predstavnik Grada, a ostali članovi imenuju se iz reda predstavnika privatnih pravnih i fizičkih lica koja posluju u oblasti turizma, ugostiteljstva i/ili povezanih djelatnosti.

Članove Turističkog vijeća imenuje gradonačelnik na prijedlog gradske službe nadležne za oblast turizma.

(3) Vijeće Turističke zajednice je savjetodavni organ.

(4) Vijeće Turističke zajednice :

a) daje mišljenje na godišnji Plan rada Turističke zajednice i Izvještaj o radu Turističke zajednice prije upućivanja istih Nadzornom odboru,

b) predlaže politike i mjere poticaja u turizmu na nivou Grada,

c) razmatra druga planska dokumenta koja su od značaja za razvoj turizma u Gradu.

(5) Vijeće Turističke zajednice zasjeda minimalno 4 puta godišnje“.

#### Član 7.

U članu 9. stav (2) mijenja se i glasi:

„ (2) U Nadzorni odbor obavezno se imenuje jedan predstavnik grada, a ostali članovi imenuju se iz reda naučnih i stručnih lica“.

U stavu (5) ovog člana tačka b) mijenja se i glasi:

“ b) najmanje tri godine radnog iskustva nakon sticanja VSS“.



## Član 8.

U članu 10. stav (1) mijenja se i glasi:

„ (1) Nadzorni odbor:

- a) donosi statut Turističke zajednice grada,
- b) donosi poslovnik o svome radu,
- c) podnosi godišnji program rada sa finansijskim planom,
- d) usvaja godišnji izvještaj o poslovanju,
- e) podnosi Osnivaču najmanje jedanput godišnji izvještaj o poslovanju Turističke zajednice,
- f) donosi opći akt o unutrašnjoj organizaciji i sistematizaciji poslova, pravilnik o radu i druge opće akte u skladu sa zakonom i statutom Turističke zajednice,
- g) provodi proceduru izbora direktora javnim konkursom u skladu sa Zakonom o ministarskim, vladinim i drugim imenovanjima u Federaciji Bosne i Hercegovine,
- h) odlučuje o svim pitanjima obavljanja djelatnosti radi kojih je Turistička zajednica osnovana, ako Zakonom nije određeno da o određenim pitanjima odlučuje drugi organ Turističke zajednice,
- i) usmjerava, kontrolira i ocjenjuje rad direktora,
- j) obavlja i druge poslove u skladu sa zakonom i statutom“.

U članu 10. stav (2) mijenja se i glasi:

„ (2) Akt iz stava (1) tačka a) ovog člana donosi se uz saglasnost gradonačelnika“.

Iza stava (2) ovog člana, dodaje se novi stav (3) koji glasi:

„ (3) Akte iz stava (1) tačka c) i e) ovog člana donosi gradsko vijeće“.

Dosadašnji stav (3) ovog člana postaje stav (4).

## Član 9.

U članu 11. stav (1) mijenja se i glasi:

“(1) Direktora Turističke zajednice imenuje i razrješava Gradsko vijeće na prijedlog Nadzornog odbora“.

U članu 11 stav (3) iza riječi „grada“ brišu se riječi “donosi Pravilnik o organizaciji i sistematizaciji poslova i radnih zadataka“.

U članu 11. stav (3) riječi „stara se o zakonitosti rada“ se brišu, a iza riječi „provođenje“ dodaju se riječi „u granicama utvrđenih ovlasti, direktor je odgovoran za poslovanje i zakonitost rada Turističke zajednice“.

U članu 11. stav 4) tačka a) mijenja se i glasi:

„ a) VSS-VII stepen stručne spreme ili drugi ili treći ciklus Bolonjskog sistema obrazovanja“.

U članu 11. stav (4) tačka b) mijenja se i glasi:

„ b) najmanje tri godine radnog iskustva nakon sticanja VSS“.

#### Član 10.

U članu 13. dodaje se novi stav (1) i glasi:

„ (1) Turistička zajednica putem resorne gradske službe gradskom vijeću dostavlja na usvajanje godišnji Program rada i finansijski plan, te godišnji izvještaj o radu i finansijski izvještaj“.

Dosadašnji stavovi (1), (2), (3), (4) i (5) postaju stavovi (2), (3), (4), (5) i (6).

U članu 13. stav (1) mijenja se i glasi:

„ (1) Nadzor nad radom organa upravljanja i rukovođenja Turističke zajednice Grada obavlja osnivač putem službe nadležne za oblast turizma i Kantonalna uprava za inspeksijske poslove“.

U članu 13. stav (2) mijenja se i glasi:

„ (2) Osnivač nadzire zakonitost rada, zakonitost akata i stepen izvršenja programa rada Turističke zajednice Grada“.

U članu 13. stav (3) riječi „Gradonačelnik je ovlašten da“, mijenjaju se riječima „osnivač“.

U članu 13 stav (4) mijenja se i glasi:

„ (4) U slučaju da organi upravljanja i rukovođenja Turističke zajednice grada postupe suprotno odredbama ove odluke i Zakona o turizmu („Službeni glasnik Unsko-sanskog kantona“ broj 25/20), gradonačelnik će pokrenuti postupak utvrđivanja njihove odgovornosti“.

U članu 13.stav (5) se briše.

#### Član 11.

Član 14. mijenja se i glasi:

„(Prihodi Turističke zajednice)

(1) Prihodi Turističke zajednice su:

a) prihodi iz budžeta osnivača,

- b) prihodi ostvareni preraspodjelom boravišne takse,
- c) prihodi od obavljanja privrednih djelatnosti iz člana 53. stav (2) Zakona o turizmu,
- d) prihodi po osnovu učešća u posebnim domaćim i međunarodnim programima i projektima,
- e) donacije,
- f) kreditna zaduženja uz prethodnu saglasnost osnivača,
- g) prihodi iz drugih izvora.

(2) Pored izvora prihoda navedenih u stavu (1) ovog člana, poslovanje ili aktivnosti turističke zajednice mogu se financirati i dodatnim sredstvima koje osiguravaju druge zainteresirane organizacije“.

#### Član 12.

U članu 16. stav (2) tačke h) i l) se brišu, a dosadašnje tačke i), j), k), m) i n), postaju tačke h), i), j), k) i l).

#### Član 13.

Ova Odluka stupa na snagu osmog dana od dana objavljivanja u „Službenom glasniku Grada Bihaća“.

Gradsko vijeće

Broj: \_\_\_\_\_

Bihać, \_\_\_\_\_2021.godine

Predsjedavajući Gradskog vijeća

Zulfikar Handukić